



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 04-11-22-1480-198/20 – BA/SA
Tuzla, 08.06.2021. godine

Na osnovu Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za osigurana lica sa područja Tuzlanskog kantona i načinu finansiranja zdravstvene zaštite iz obaveznog zdravstvenog osiguranja za 2021. godinu, („Službene novine TK“, broj: 02/21), Saglasnosti Ministarstva zdravstva TK broj: 13/1-33-11696-21 od 28.05.2021. godine i člana 12. Statuta Zavoda zdravstvenog osiguranja Tuzlanskog kantona („Službene novine TK“, broj: 4/16), direktor Zavoda zdravstvenog osiguranja Tuzlanskog kantona objavljuje

JAVNI POZIV

za dostavu prijave za dodjelu ugovora za realizaciju preventinog skrining Programa na području Tuzlanskog kantona za 2021. godinu – Program skrininga raka dojke

Pozivaju se javne zdravstvene ustanove i privatne zdravstvene ustanove (u nastavku teksta: ZU) koje zadovoljavaju kriterije kadra, opreme i prostora za pružanje usluga mamografije sa područja Tuzlanskog kantona da dostave prijave za dodjelu ugovora za realizaciju preventinog skrining Programa na području Tuzlanskog kantona za 2021. godinu – **Program skrininga raka dojke**.

1. PREDMET JAVNOG POZIVA

Predmet Javnog poziva je pružanje usluga skrininga raka dojke - mamografija na području Tuzlanskog kantona za 2021. godinu.

ZU koje ispune uslove tražene ovim Javnim pozivom predmetne usluge će pružati u skladu sa Programom skrininga raka dojke za 2021. godinu, donesen od strane Zavoda za javno zdravstvo Tuzlanskog kantona. Program skrininga raka dojke za 2021. godinu se nalazi u prilogu ovog Javnog poziva i njegov je sastavni dio.

Usluge će se pružati osiguranim licima sa područja Tuzlanskog kantona i licima kojima je po drugom osnovu dato pravo na korištenje zdravstvene zaštite, u skladu sa Programom skrininga.

Realizacija ugovora će se vršiti u skladu sa iskazanim kapacitetima aparata za mamografiju cijeneći princip dostupnosti i pristupačnosti usluge u skladu sa mjestom prebivališta osiguranih lica sa područja Tuzlanskog kantona i lica kojima je po drugom osnovu dato pravo na korištenje zdravstvene zaštite, a u skladu sa Programom skrininga.

2. USLOVI I DOKAZI

U pogledu sposobnosti za obavljanje usluga koje su predmet ugovaranja, ZU mora ispunjavati minimalno sljedeće uslove:

- a) Da posjeduje Rješenje nadležnog organa o ispunjavanju uslova za obavljanje djelatnosti, a u skladu sa Zakonom o zdravstvenoj zaštiti ("Službene novine FBiH" broj: 46/10 i 75/13);

Dokaz: Rješenje nadležnog organa



Dokaz se dostavlja u originalu ili kopiji originala ovjerenoj od strane nadležnog organa ili notara.

b) Da ZU zadovoljava kriterije kadra, opreme i prostora za pružanje usluga;

Dokaz: Aneks 2 u kojem će izjaviti da posjeduje potrebnu opremu za pružanje usluga koje su predmet Javnog poziva, navesti medicinsko osoblje koje će biti angažovano na pružanju usluga (uz zvanje ili edukaciju) te iskazati dnevni i mjesečni kapacitet pružanja usluga.

c) Da se ZU ne nalazi u sukobu interesa;

Dokaz: Izjava ovlaštenog lica ZU da nije u sukobu interesa (Aneks 3)

d) Da su izmirene obaveze u vezi s plaćanjem direktnih poreza, penzijskog i invalidskog osiguranja, zdravstvenog osiguranja i osiguranja od nezaposlenosti, u skladu s važećim propisima u Bosni i Hercegovini;

Dokaz: Uvjerenje nadležnih institucija kojim se potvrđuje da su izmirene dospjele obaveze, u vezi s plaćanjem direktnih poreza i doprinosa iz obaveznog osiguranja (penzijsko i invalidsko osiguranje, zdravstveno osiguranje i osiguranje od nezaposlenosti).

Obaveze moraju biti izmirene zaključno sa 31.03.2021. godine.

Dokaz se dostavlja u originalu ili kopiji originala ovjerenoj od strane nadležnog organa ili notara.

e) Da su izmirene obaveze u vezi s plaćanjem indirektnih poreza, u skladu s važećim propisima u Bosni i Hercegovini;

Dokaz: Uvjerenje nadležnih institucija da su izmirene dospjele obaveze u vezi sa plaćanjem indirektnih poreza.

Obaveze moraju biti izmirene zaključno sa 31.03.2021. godine.

Dokaz se dostavlja u originalu ili kopiji originala ovjerenoj od strane nadležnog organa ili notara.

Kod ispunjavanja uslova iz tačke d) i e), a u slučaju da ZU ima zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, obavezno dostaviti Potvrdu nadležne institucije/a da ZU u predviđenoj dinamici izmiruje svoje reprogramirane obaveze.

Ukoliko je ZU zaključila sporazum o reprogramu obaveza ili odgođenom plaćanju obaveza i izvršila samo jednu uplatu obaveza, neposredno prije dostave prijave, ne smatra se da u predviđenoj dinamici izvršavala svoje obaveze i ta ustanova neće biti kvalifikovana u ovom postupku.

U slučaju da ZU nije u sistemu PDV-a, obavezna je dostaviti Uvjerenje nadležnog organa da ista nije u sistemu PDV-a.

Dokaz se dostavlja u originalu ili kopiji originala ovjerenoj od strane nadležnog organa ili notara.

f) Da će osiguranom licu pružiti predmetnu uslugu odmah, a najkasnije u roku do 45 dana od dostave spiska osiguranih lica od strane Zavoda;

Dokaz: Izjava ovlaštenog lica (Aneks 4).



Napomene:

Pored gore navedenih dokaza, ZU je u obavezi dostaviti i sljedeće:

- Aneks 5. – Izjava za komunikaciju,
- Aneks 6. – Izjava o povjerljivosti i tajnosti svih ličnih podataka osiguranih lica.

Aneksi se dostavljaju u originalu, potpisani i ovjereni pečatom od strane ovlaštenog lica ZU.

Svi Aneksi se nalaze u prilogu ovog Javnog poziva.

Dokazi iz tačke a), d) i e) ovog Javnog poziva dostavljaju se u originalu ili kopiji originala ovjerenoj od strane nadležnog organa ili notara.

Dokazi iz tačke a), d) i e) ovog Javnog poziva mogu se dostaviti na sljedeći način:

- Uz jednu od prijava dostavljenu na Javni poziv za obavljanje usluga preventivnog skrining Program na području Tuzlanskog kantona za 2021. godinu, na koji se prijavljuje ili
- Posebno uz svaku prijavu dostavljenu na Javni poziv za obavljanje usluga preventivnog skrining Program na području Tuzlanskog kantona za 2021. godinu.

Zavod zadržava pravo provjere tačnosti datih podataka u dostavljenoj prijavi.

3. PROCJENJENA VRIJEDNOST NABAVKE

Procijenjena vrijednost nabavke iznosi do 420.000 KM.

Maksimalna jedinična cijena koju priznaje Zavod za uslugu Programa skrininga raka dojke iznosi **25 KM**.

4. NAČIN DODJELE UGOVORA

Ugovor će se dodjeliti ZU koje ispunjavaju uslove ovog Javnog poziva i koje prihvate najnižu ponuđenu cijenu po ovom Javnom pozivu.

ZU čija prijava ne bude sadržavala usluge navedenih u tački 2. ovog Javnog poziva, neće biti kvalifikovana za izvršenje predmetnih usluga i istoj se ugovor neće dodjeliti.

U slučaju da dvije ili više ZU dostave Prijave čije se cijene usluga razlikuju, istim će se omogućiti da prihvate pružati usluge po najnižoj ponuđenoj cijeni.

5. NAČIN DOSTAVLJANJA PRIJAVA

Prijava treba biti napisana neizbrisivom tintom.

Prijava se dostavlja u zatvorenoj koverti na adresu Zavoda.

Na koverti prijave mora biti naznačeno:

- naziv i adresa Zavoda,
- naziv i adresa ZU,
- naznaka: „**Prijava za pružanje usluga skrininga raka dojke - NE OTVARATI**“

Prijave se mogu dostaviti lično na Pisarnicu Zavoda zdravstvenog osiguranja Tuzlanskog kantona ili putem redovne pošte.

6. POJAŠNENJE JAVNOG POZIVA

Zahtjevi za pojašnjenje se mogu dostaviti u pisanoj formi (putem redovne pošte, putem elektronske pošte, faksom ili predajom lično na Pisarnicu Zavoda) ili telefonskim putem od osoba navedenih u tački 10. ovog javnog poziva.

7. ADRESA NA KOJU SE DOSTAVLJAJU PONUDE

Zavod zdravstvenog osiguranja Tuzlanskog kantona, Franjevačka broj 36, 75 000 Tuzla.

8. PERIOD ZAKLJUČIVANJA UGOVORA

Ugovor se zaključuje na period do 31.12.2021. godine.

9. KRAJNI ROK ZA DOSTAVU PONUDA

Ponude se dostavljaju do 22.06.2021. godine do 16:00 sati.

10. KONTAKT

Kontakt osobe:

Emir Suljić, dipl. ecc

Anja Bošnjaković, Bachelor prava

Telefon: 035/300-623

Faks: 035/300-623

e-mail: ugovaranje@zzotk.ba

Prilog:

- Program skrininga raka dojke,
- Aneks 1. – Obrazac za cijenu,
- Aneks 2. – Izjava o opremljenosti i kapacitetima,
- Aneks 3. – Izjava za sukob interesa,
- Aneks 4. – Izjava za pružanje usluga,
- Aneks 5. – Izjava za komunikaciju,
- Aneks 6. – Izjava o povjerljivosti i tajnosti.



DIREKTOR

mr. Denis Husić, dipl. pravnik

PROGRAM SKRININGA RAKA DOJKE ZA 2021. GODINU

2 PROGRAM SKRININGA RAKA DOJKE ZA 2021. GODINU

2.1 Uvod

Rak dojke je najčešći maligni tumor žena kako u zemljama u razvoju tako i u razvijenim zemljama i jedan je od vodećih uzroka prijevremene smrti kod žena u Tuzlanskom kantonu.

Iako se incidencija bolesti u posljednje vrijeme povećava, smrtnost od raka dojke se počela smanjivati zahvaljujući boljem ranom otkrivanju i djelotvornijem liječenju. Metodom skrininga rak dojke se može otkriti u ranom stadiju, kad još nije opipljiv i kada su mogućnosti izlječenja velike.

S obzirom da je rizik od obolijevanja najveći kod žena u dobi od 50 do 69 godina, neophodan je organizovani nadzor nad ovom populacionom grupom.

Skrining za rak dojke provodi se organizovanjem mamografskih pregleda kod zdravih žena u dobi od 50 do 69 godina, dok je kod osoba sa povećanim rizikom početak skrininga u ranijoj dobi uz češće intervale skrininga. Otkrivanje raka dojke u ranoj fazi, pored velike šanse za izlječenje, omogućava i primjenu pošteđenih hirurških intervencija, brži oporavak, smanjenje invalidnosti te bolji kvalitet života kao i smanjenje troškova liječenja i drugih troškova vezanih za bolest.

2.2 Epidemiološki podaci o raku dojke

Studije opterećenja ženske populacije malignim bolestima, pokazale su da je rak dojke najznačajniji uzrok tereta bolesti kada su u pitanju maligni tumori kod žena, kako na globalnom nivou tako i u Tuzlanskom kantonu.

Cjeloživotni rizik, odnosno kumulativna vjerovatnoća obolijevanja od raka dojke, iznosi oko 12,4%, odnosno jedna od 8 žena može očekivati da će tokom svog života oboljeti od ove bolesti.

Rak dojke u velikom broju zemalja čini oko 25% svih malignih bolesti ženske populacije, u najrazvijenijim zemljama čak 28%, dok u strukturi mortaliteta učestvuje sa oko 14-15%. U zemljama Evropske unije prosječna godišnja incidencija raka dojke se kreće u rasponu od 57/100.000 (Grčka) do 145/100.000 (Belgija), a stopa mortaliteta od 18,4/100.000 (Španija) do 31,1/100.000 (Irska). Prema podacima Registra za rak pri Zavodu za javno zdravstvo, u Tuzlanskom kantonu u cjelini i u svim njegovim opštinama, rak dojke je najčešća lokalizacija raka u žena. Uprkos napretku dijagnostike i terapije, to je najčešći pojedinačni uzrok smrti u žena u dobi od 35 do 69 godina. I incidencija i mortalitet od raka dojke su u stalnom porastu.

Stopa incidencije raka dojke u Tuzlanskom kantonu kreće se od 25 do 27/100.000, što ovu bolest svrstava na prvo mjesto među malignomima kod žena. Od deset vodećih novootkrivenih malignih neoplazmi u 2019. godini na prvom mjestu je rak dojke sa učešćem u strukturi od 13,20%.

Rak dojke u Tuzlanskom kantonu se najčešće otkriva u odmakloj fazi bolesti. U trenutku postavljanja dijagnoze, kod više od polovine žena je došlo do širenja bolesti iz dojke u regionalne limfne žlijezde, na kožu ili već postoje udaljene metastaze, što u velikoj mjeri smanjuje njihove šanse za izlječenje.

Značajna je i veličina tumora u trenutku otkrivanja: udio nepalpabilnih tumora (tumora koji se još uvijek ne mogu napipati, a otkrivaju se mamografijom) je zanemarljiv.

Mamografijom, koja se preporučuje kao metoda za skrining, može se otkriti rak dojke i dvije godine prije nego što tumor postane dovoljno veliki da se može napipati. Podaci ukazuju na smanjenje mortaliteta od raka dojke za 30% među ženama u dobi 50-69 godina koje su bile podvrgnute skriningu.

2.3 Faktori rizika za razvoj raka dojke

Najvažniji faktor rizika za razvoj raka dojke je spol. Naime, žene sto puta češće od muškaraca obolijevaju od raka dojki. Iako od raka dojki žena može oboljeti u bilo kojem razdoblju života, obolijevanje se počne naglo povećavati nakon 40. godine da bi dostiglo vrhunac između 60. i 70. godine. Češće obolijevaju žene sa registrovanim rakom dojki u porodici.

Poznato je, također, da od raka dojki češće obolijevaju žene s ranom menarhom i kasnom menopauzom. Nefiziološki uslovi kao što su nerađanje, kasni prvi porođaj, nedojenje i dugotrajno uzimanje oralnih kontraceptiva prije prvog porođaja, povećavaju rizik obolijevanja od raka dojke kao i nadomjesna hormonska terapija kod žena u postmenopauzi.

2.4 Metode skrininga raka dojke

Uprkos sve boljim mogućnostima liječenja mogućnosti izlječenja svake pojedine bolesnice zavise od obima i stadija bolesti. Što je bolest manje napredovala veća je vjerovatnost izlječenja. Zato je izuzetno važno osvješćivanje svih žena, a posebno žena sa većim rizikom od obolijevanja, o važnosti redovnog samopregleda dojki jedanput mjesečno. Mnogo veću uspješnost otkrivanja raka dojke osigurava organizovano traženje bolesti odnosno skrining u opštoj populaciji. Organizovani skrining danas se preporučuje ženama od 50 do 69 godina starosti kada je rizik od obolijevanja najveći.

2.4.1 Samopregled dojki

Samopregled dojki je potrebno obavljati jednom mjesečno i vrlo je važno da se daju informacije ženama o mogućoj koristi i ograničenjima. Treba biti svjestan i činjenice da se samopregledom ne može napipati svaki tumor, naročito ne mali. Samopregled nije dovoljna metoda u ranom otkrivanju raka dojke.

2.4.2 Klinički pregled dojki

Klinički pregled dojki treba biti dio periodičnih zdravstvenih pregleda svake treće godine za žene do 40 godina starosti, a nakon toga svake godine (preporuka Američkog društva za borbu protiv raka). Klinički pregled provode ljekari u primarnoj zdravstvenoj zaštiti, porodični ljekar između skrininga kao i za žene koje neće učestvovati u organizovanom skrining programu.

Važno je da svaka žena, počevši od svoje četrdesete godine života barem jednom godišnje učini klinički pregled dojki. Klinički pregledi prije četrdesete godine života preporučuju se barem jednom u tri godine, počevši od dvadesete godine, a svakako ako postoji podatak o raku dojke u srodnika po ženskoj liniji.

2.4.3 Mamografija

Mamografija je rendgenski pregled dojki kojim se otkrivaju tumori i druge promjene uključujući i neke koje su premalene da bi se mogle napipati. Dokazano je da mamografija bilježi promjene na dojci prosječno oko dvije godine ranije od običnog kliničkog pregleda zasnovanog na pojavi simptoma ili opipljive kvržice.

2.5 Ciljevi

2.5.1 Opšti ciljevi

- poboljšanje kvaliteta života bolesnica oboljelih od raka dojke
- smanjenje smrtnosti žena od raka dojke u Tuzlanskom kantonu
- smanjenje invalidnosti
- smanjenje troškova liječenja

2.5.2 Specifični ciljevi

- podići svijesti žena o značaju redovnih pregleda, skrininga raka dojke informisanjem o važnosti skrining programa;
- povećati broj novootkrivenih slučajeva raka dojke u ranoj fazi njegovog razvoja

2.6 Ciljna grupa

Asimptomatska populacija žena dobne grupe od 50 do 69 godine

Napomena: Ako je pacijentica ranije radila mamografiju, a nalaz je bio u kategorijama BIRADS 3, BIRADS 4, BIRADS 5 i BIRADS 6, ne ulazi u skrining program.

Ako je pacijentici na skrining pregledu nalaz u kategorijama BIRADS 3, BIRADS 4, BIRADS 5 i BIRADS 6, upisuje se u izvještajnu tabelu skrininga, ali ova pacijentica izlazi iz skrininga.

2.7 Organizacija Programa skrininga raka dojke

- Program skrininga raka dojke sprovodit će javne i privatne zdravstvene ustanove/ordinacije, koje zadovoljavaju kriterije kadra opreme i prostora za pružanje usluga mamografije (u daljem tekstu ugovorne zdravstvene ustanove), a koje nakon provođenja javnog poziva od strane ZZOTK, zaključče ugovor o realizaciji navedenog programa skrininga.
- ZJZTK će obavijestiti sve ugovorne zdravstvene ustanove primarnog nivoa zdravstvene zaštite (JZU domovi zdravlja i ugovorni timovi porodične medicine) o zaključenju ugovora o realizaciji Programa skrininga za 2021. godinu. Uz navedenu obavijest ZJZTK će dostaviti kriterije za odabir osiguranih lica za dati skrining program kao i tabelu u koju će biti potrebno unijeti podatke o osiguranim licima koji ispunjavaju kriterije.
- Ugovorne javne zdravstvene ustanove primarnog nivoa (timovi porodične medicine), sačinit će spisak ciljne grupe osiguranih lica koja ulaze u skrining program (tabela u prilogu), te ih dostaviti ZJZTK koji će nakon kontrole unešenih podataka isti dostaviti ZZOTK koji će izvršiti raspoređivanje osiguranih lica na realizaciju skrining programa ka ugovornim zdravstvenim ustanovama (elektronska forma – Microsoft excel).
- Ugovorne zdravstvene ustanove će na osnovu prethodno dostavljenih spiskova, telefonskim putem vršiti zakazivanje skrining pregleda osiguranih lica, odgovarajućom vremenskom dinamikom.
- Ugovorne zdravstvene ustanove će imenovati odgovornu osobu koja će koordinirati aktivnosti u sprovođenju programa na nivou ustanove, te biti odgovorna za korektno popunjavanje izvještajnih obrazaca i njihovo dostavljanje ZJZTK.
- Ugovorne zdravstvene ustanove su u obavezi dostavljati mjesečni izvještaj o realizovanim uslugama skrininga ZJZTK na tabeli kreiranoj od strane ZJZTK (tabela u prilogu).
- Ugovorne zdravstvene ustanove će nalaz sa rezultatom skrininga dostavljati matičnom domu zdravlja osiguranika kojem je rađena navedena pretraga u skladu sa Zakonom o zaštiti ličnih podataka.
- ZJZTK će vršiti praćenje i evaluaciju Programa skrininga raka dojke kroz kreirane obrazce za izvještavanje, koje su zdravstvene ustanove dužne dostavljati ZJZTK mjesečno, i to do 15. u mjesecu za prethodini mjesec.
- ZJZTK će izvještaj o izvršenim uslugama skrininga dostaviti ZZOTK na kraju godine, u skladu sa ugovorom.

2.8 Program skrininga raka dojke

*Tabela 1. Programirani broj mamografija
na području Tuzlanskog kantona za 2021. godinu*

Rb	Grad/Općina	Ukupan broj stanovnika (žene)	Ukupan broj usluga na godišnjem nivou
		50-69 godina	
1	Banovići	3.399	865
2	Čelić	1.308	333
3	Doboj Istok	1.439	366
4	Gračanica	6.683	1.701
5	Gradačac	5.456	1.389
6	Kalesija	4.566	1.162
7	Kladanj	1.825	464
8	Lukavac	7.065	1.798
9	Sapna	1.320	336
10	Srebrenik	5.590	1.423
11	Teočak	1.000	255
12	Tuzla	18.076	4.601
13	Živinice	8.282	2.107
Ukupno		66.009	16.800

2.9 Rok provedbe

Program će se realizovati tokom 2021. godine u skladu sa epidemiološkom situacijom i preporučenim higijensko-epidemiološkim mjerama.

2.10 Saradnici u realizaciji Programa

ZJZTK; ZZOTK; ugovorne zdravstvene ustanove.

2.11 Izvori sredstava

Zavod zdravstvenog osiguranja Tuzlanskog kantona

TABELE ZA SKRINING RAKA DOJKE

Naziv zdravstvene ustanove: _____

SKRINING PROGRAM RAKA DOJKE (mamografija)

Kriterij: asimptomatska populacija žena dobne grupe 50 do 69 godina

Spisak osiguranih lica obuhvaćenih skrining programom

Rbr.	Ime i prezime	JMBG	Adresa stanovanja	Grad/opština	Tim porodične medicine (broj tima)	Kontakt telefon	Napomena
0	1	2	3	4	5	6	7

M.P.

Potpis odgovornog lica

Uputstvo za popunjavanje tabele

kolona 1: upisati broj protokola

kolona 2: upisati JMBG pacijentice

kolona 3: upisati ime i prezime pacijentice

kolona 4: upisati naziv JZU iz koje je pacijentica upućena na pregled

kolona 5: upisati mjesto boravka (općina) pacijentice

kolone 6-12: upisati broj "1" za odgovarajući stadij klasifikacije

Napomena:

Ako je pacijentica ranije radila mamografiju, a nalaz je bio u kategorijama BIRADS 3, BIRADS 4, BIRADS 5 i BIRADS 6 ne ulazi u skrining

Ako je pacijentici na skrining pregledu nalaz u kategorijama BIRADS 3, BIRADS 4, BIRADS 5 I BIRADS 6, upisuje se u tabelu, ali ova pacijentica izlazi iz daljeg skrininga.



PODACI

1. Tačan naziv ustanove:

2. Ime i prezime odgovorne osobe koja će koordinirati aktivnosti u sprovođenju Programa na nivou ZU:

3. Broj telefona odgovorne osobe koja će koordinirati aktivnosti u sprovođenju Programa na nivou ZU: _____

4. Broj faksa: _____

5. e-mail: _____

6. Web stranica: (neobavezno) _____

7. Sjedište ustanove - Adresa:

8. Broj žiro-računa i naziv banke:

9. Ovlašteno lice za potpisivanje ugovora (stručno zvanje, ime, prezime, funkcija):

10. Ostali podaci bitni za postupak (neobavezno):

Podaci se daju u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka dojke.

M.P.

Ovlašteno lice ustanove



ANEKS

OBRAZAC ZA CIJENU

Zdravstvena ustanova: _____

Redni broj	Naziv usluge	Jedinica mjere	Jedinična cijena bez PDV-a
1	Skrining raka dojke - mamografija	usluga	

M.P. Ovlaštena osoba ustanove _____



IZJAVA

1. Nisam ponudio mito ni jednom licu uključenom u procesu postupka ugovaranja, u bilo kojoj fazi.
2. Nisam dao, niti obećao dar, ili neku drugu povlasticu službenom ili odgovornom licu u ZZO TK, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ZZO TK uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju.
5. Nisam sudjelovao u bilo kakvoj radnji koja je za cilj imala korupciju u toku postupka ugovaranja.

Davanjem ove izjave, svjestan sam kaznene odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka dojke.

M.P.

Ovlašteno lice ustanove



IZJAVA

Izjavljujemo da će se osiguranom licu pružiti usluga skrininga raka dojke odmah, a najkasnije u roku do 45 dana od dana dostave spiska osiguranih lica od strane Zavoda.

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka dojke.

M.P.

Ovlašteno lice ustanove



IZJAVA O KOMUNIKACIJI IZMEĐU ZAVODA I USTANOVE

Izjavljujemo da smo saglasni da se komunikacija (Obavještenja, Odluke, Zapisnici i drugo) između nas i Zavoda zdravstvenog osiguranja Tuzlanskog kantona, u vezi sa Javnim pozivom za koji dostavljamo ponudu, po potrebi obavlja putem elektronske pošte, naš e-mail: _____, te se obavezujemo da će navedena e-mail adresa biti u funkciji, kao i da ćemo svaki prijem e-maila potvrditi.

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka dojke.

M.P.

Ovlašteno lice ustanove



IZJAVA
o povjerljivosti i tajnosti svih ličnih podataka osiguranih lica

Izjavljujemo da ćemo kao ugovorna Zdravstvena ustanova čuvati u tajnosti sve lične podatke osiguranih lica do kojih dolazimo prilikom postupanja po Ugovoru, a u skladu sa Zakonom o zaštiti ličnih podataka („Službeni glasnik BiH“ broj: 49/06, 76/11 i 89/11).

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka dojke.

M.P.

Ovlašteno lice ustanove